

حنّته من دما نحره وزفته ساعة الطبره

\*\*\*\*

امعرّس ودم النحر يوسفه خضابه  
ياحسّافه يرتحل في زهرة شبابه  
امعرّس بفيض الدما وتوسد ترايبه  
و (رملّه) امه الحايّره تهيم بمصابه

لجله تهمي الدمع حسره والكلب ياعظم صبره

\*\*\*\*

گومي شوفي امدلج (يرملّه) الحزينه  
هَذَا (جاسم) منطبر تقري وتينيه  
شدي جرحه ياوسف گبل تفگدينه  
گبل ما نخر العمر يغمض عيونيه

يابس امن الضمي ثغره والوجه منخسف بدره

\*\*\*\*

هَذَا (جاسم) زفته رماح وأسونه  
لابس اثواب العرس چفن ياهي محنه  
وصارت ادموم النحر لچفينه حنه  
والهلاهل بالخيم مناحات وحنه

معرس ومهجته مهّره والشمع علكته العبره

\*\*\*\*

هذي اورود الفرح سهام المنيه  
والضبيوف بزفته حثالات اميه  
شهرّوا أسيوف الغدر في عرسه هديه  
والتهاني على صدره خيل اعوجيه

جيش اميه شعظم غدره نهب من هالولد عُمره

\*\*\*\*